

等，即以所拾古物至，銅矢鏃，銅錢，各盈一握。余甚喜，即往檢視遺址。在余帳棚之西，有城牆遺址一段，高二尺許，餘三面均被衝刷。在南有長方形土台，高八英尺許，長十九英尺。寬五英尺五寸。上豎立木竿五，南北直列，高十二英尺弱。每竿相距約十二英尺許。木竿上端鑿一方孔，疑爲穿桔槔之用。尚有若干廢棄木料橫陳其旁，木上均有斧鑿痕迹，或中鑿一圓孔，或方木而中鑿一槽，均長不及丈，疑皆爲支持烽竿之用，類今之取水井架也。在竿之四週，尙有許多四方井穴，用柳條滲以木屑，編織爲格，覆於井口，約四尺建方，彼此相通爲甬道。就其構造方面言，顯然爲古時烽火台遺迹。（附圖一五、一七）漢書賈誼傳注云：『邊方備胡寇作高櫓，櫓上作桔槔，頭懸兜零，以薪草置其中，常低之。』按所謂櫓，疑即木竿。桔槔即竿頭所懸者。桔槔失，而竿頭之方孔尙存耳。又墨子號令篇云：『望見寇，舉一垂，入境舉二垂，狎郭舉三垂，入郭舉四垂，狎城舉五垂。』按垂爲附竿之橫木，每有一竿，必有一垂，此處木竿五，即所謂五垂也。舉垂必有兵卒，疑竿旁之井穴，皆兵卒避藏之地，如敵人來侵，避匿其中，免受敵人之攻擊也。余在竿之兩旁，曾掘二井，內滿儲沙子，無一他物。余於民國二十三年第二次前往時，復掘其旁之其他井穴，有類似高粱之穀粒，已腐化結爲乾餅，或井中兼儲食糧，亦未可知也。在台上下南北部，各有房址一座。（附圖一八：古烽燧亭工作圖）北房現已傾圮，牆基尙存，高四尺許，重疊不規則之土塊與鹹塊爲牆。土塊長約十五吋，寬約八吋，厚四吋，略作長方形，間以葦草。鹹塊長約十六吋，寬約十吋不等，形狀極不規則，蓋隨意取諸鹹灘中也。南房上覆以柳條與木屑編成之屋頂，頂已傾塌，內滿儲沙子。余曾清理其遺址，拾殘斷木簡一枚，現存「從事人姓名」等字。北面之房亦存牆基，上無覆頂，中無何物。又台之南北兩端，略作斜坡形，疑爲房址。掘其南端，至與台齊，悉沙灰土，別無他物，或因台上下傾所致也。在烽火台之東約百餘步，有古房址一所。（附圖一九：工作圖A）在一寬廣平灘上，周里許，略作橢圓形。地爲硝鹵。在灘南枯木橫陳，類似古時建築遺構。東邊似有牆壁遺迹，西邊已被風水剝蝕，而作溝渠狀矣。在此平灘之北，略與烽火台北端東西對值，有圍牆遺址。疊鹹塊爲牆，旁集葦草，長丈餘，高五六尺，形成